

X.1

CONSTITUTIO ET ORDINATIO VICARII COMUNIS GROSSETI

1262 giugno 15, Grosseto

Bartolomeo *Thoma* da Asti, podestà regio di Grosseto, dovendosi allontanare dalla città, nomina Ildebrandino di Piombino suo vicario.

Originale, ASS, *Diplomatico Riformagioni*, 1262 giugno 15 [c.158].

Regesti: ASS, *Ms B 2* c. 508; ASS, *Ms B 21*, c. 224v.

In Dei nomine amen. Anno Domini millesimo CCLXII, die XV iunii, V indictione. Dominus Bartholomeus Thoma de Aste, regius potestas Grosseti in consilio spetiali et generali comunis Grosseti fecit, constituit, ordinavit atque creavit dominum Ildibrandinum de Plumbino iudicem comunis Grosseti presentem et suscipientem suum et dicti comunis vicarium super preparatione exercitus et super omnibus aliis que ipse potestas facere posset et tenetur et debet in Grosseto circa potestarie officium usque ad reditum suum de exercitu, dans eidem liberam baliā puniendi, condemnandi et faciendi totum et quicquid ipse potestas facere posset. Actum Grosseti in ecclesia maiori, presentibus domino Abbate quondam domini Manti, domino Rusticho et domino Iacomino iudicibus, Iohanne Cignarelli et Iacomino Christiani testibus ad hec. (SN) Ego Gualterius de Adria imperiali auctoritate notarius et nunc scriba comunis Grosseti predictis interfui et ut supra legitur scripsi et publicavi rogatus.